



D. O. M.  
POSITIONES ANATOMICÆ  
ET  
CHIRURGICÆ.

EX ANATOMIA.



AXIMUM vitæ oblectamentum visio. Ipsâ quid  
dulcius, Quid utilius? Lasâ vel deperditâ quid  
injuvândius, quid molestius? Cæcis non rider Na-  
tura, sereni nec redeunt nec lucent dies, Anxietas  
& Tristitia comites. Quàm plurimos inter Oculo-  
rum morbos frequentius sævit Suffusio seu Cata-  
racta. Hanc armis Chirurgicis debellaturi, Oculi Structuram  
prosequemur.

EXQUISITISSIMUM Visûs organum ab externis tutandum injuriis natura sagax firmiori ossium circumvallavi thecâ : hanc Orbitam vocant. Figuram æmulatur conoideam , apicè versûs axem corporis tendentem , basè veidè quasi divergentem. Hinc latius patet oculorum usus , corporis què incolumitati tutius invigilant.

PRÆTER partes oculi globo proprias aliæ annotantur plurimæ , inter quas præsertim Palpebræ. Iplis superimponuntur pili densi , extrosûm & obliquè inclinati , arcuato ordine dispositi : Supercilia dicuntur.

PALPEBRAM superiorem Musculus peculiaris , utramque movet Orbicularis. Cartilagineo tractu , curvato , obliquè disposito utrumque muniuntur Palpebræ , è cujus limbo ex eiori prodeunt pili rigidi in hac & illâ variè curvati : Cilia innotescunt. Intrâ ipsammet cartilaginis substantiam pullulant glandulæ Meibomii sebaceæ , subflavæ , plurimis orificiis humorem crassum , ceruminosum eructantes , quo partes illæ inunguntur.

OCULI globo adhærent Palpebræ , mediante Adnatâ , membranâ tenui , pellucidâ , mobili , vasculosâ , ex Perioftio , ut vulgò putant , oriundâ , suâ parte mediâ orbitæ connexâ ; interius Palpebris , corneæ anteriùs obductâ. Inter Adnatæ substantiam decurrunt ductus Hygrophthalmici , mutuatum à glandulâ lacrimali , conglomeratâ , versûs externum oculi canthum intrâ orbitam in depressione majori sitâ , humorem limpidissimum Palpebras inter & oculi superficiem deponentes. Hoc humore benigno fordes absterguntur , irrorantur partes , lubricantur , à concretionè servantur.

DETERMINATUS Palpebrarum concursus , Tarforum figura ita inclinata ut ipsis etiam clausis adsit canaliculus , nictatio continua , ipsiusmet aëris pressio , humoris ceruminosi præsentia , spatium majus in interno oculi cantho mediante carunculâ , viarum lacrimarium cum siphunculo paritas , juxrà Hydraulicæ leges liquoris effluxum promovent versûs Puncta Lacrimalia , quæ in extremo & interno cujusque Palpebræ angulo sita , versûs saccum in superiori canaliculi nasalis partè positum concurrunt. Hic laccus in ductum membranaceum , obliquè situm , intrâ nasi cavitatem sub osse turbinato inferiori hiantem definit.

**Oculi** globum diversimodè movent, dirigunt, contorqueant; prout simul vel seorsim agunt, Musculi Recti & Obliqui, inter quos plurima jacet pinguedo, ex quâ motus facilior & celerior, vasis, nervis, partibusque intrâ orbitam contentis stratum mollius.

**HUMORES** membranis inclusi constituunt oculi globum, qui non accuratè rotundus anticè leviùs protuberat. Inter membranas communes prior notatur Cornea, ex pluribus lamellis composita, in anteriori parte sensim gracilescens, prominens & pellucida, in posteriori densior & opaca: hanc Scleroticam dicunt.

**CHOROÏDES** altera in duas lamellas dividitur. Illarum prior Scleroticæ subjecta, vasis innumeris diversimodè intortis dictata; interior & Ruyschiana, tenuis, liquore nigricanti obducta, humori vitreo contigua. Ad Orbiculum usque ciliarem concurrunt ambæ, sic que velum illud efformant laxum, orbiculare, sub Corneâ apparens, spatio quodam nigricante seu Pupillâ perforatum. Pars ejus anterior variis coloribus adumbrata Iris dicitur; Posterior atro imbuta pigmento, intrùs striata, circulo arterioso & venoso Nuckii irrorata, duplici fibrarum serie instructa, pro vario luminis gradu nunc dilatatur, nunc constringitur.

**TERTIAM** Oculi membranam dat Medullosa Nervi Optici expansio ad Lentem usque Crystallinam protensa, mollis, albescens, leviter pellucida, plurimis vasis intertexta. Membranis oculi ita inferitur ut à Pupillæ centro sit devia, unde versùs Retinæ ingressum directè non tendit Axis opticus.

**INTER** oculorum tunicas excipiuntur humores varii. Anteriores Oculi partes, seu spatium intrâ Corneam & Lentem Crystallinam induas Cameras divisum occupat Humor Aqueus, pellucidus, oculi convexitatem promovens, ex vicinis arteriosis oriundus, facillimè reparandus.

**MEDIUM** obtinet locum Lens Crystallina, solida, utrinque spherica, posticè tamen magis convexa, Cistide peculiari involuta. Hæc membranæ vitreæ propago.

**IN** fundo oculi stat Vitreus Humor, diaphanus, aqueo densior.

4  
vitro fuso similis, anteriori parte concavus, alioquin rotundus;  
in plurimas cellulas mediante propriâ membranâ divisus.

RADIOS Luminis diversimodè refrangunt oculorum humores, rectaque non foret visio, nisi juxta Opticæ & Dioptricæ leges, radorum ab objectis emissorum fieret æqualis concursus suprà Retinam, quæ, licet dissentientis Mariotti adversetur autoritas, primum visûs organum probatur.

CÆTERUM cur illi Myopes, hi Presbytæ? cur objecta eminentius posita vel minora, vel confusa appareant? Ratio ex Mechanicâ partium petenda.

---

## EX CHIRURGIA.

QUANTA olim exiterit controversia circâ suffusionis naturam & sedem, curiosus morborum indagator nemo non novit; interim quod Græci *ὑπὸχυμα*, Suffusionem Latini, Cataractam alii nuncupaverunt, illud ut plurimum Lentis Crystallinæ obscurationem & vitium audit cum mutato Pupillæ colore.

Ab hoc-ce affectu vix differebat Glaucoma Veterum; nos verò, ut omne tollatur dubium, Glaucomatis essentiam in Humoris Vitrei vitio cum glauco & splendenti Pupillæ colore ponendam cum Brissæo & Heistero asserimus. (a)

OPACITAS Humoris Crystallini, sive ab obstructione vasorum, sive ab eorum concretionem, Suffusionis causa proxima statuatur.

QUIDQUID calorem in oculo vehementer auget, vasorum que vim intendit, ut inflammatio; Quidquid etiam liquidorum inspissationem creat, circulationem impedit, & vasorum obstructionem vel disructionem efficit, ut ictus, viscida sanguinis, vel Lymphæ prava Diathesis inter causas remotas annumerandum.

(a) Videantur quæ hac de re scripsit celeberr. Heisterus, in tractatu de Cataractâ, Glaucomate, & Amaurosi, Calo. Ann. 1713.

**P**ELLICULAM in Humore Aqueo fluctuantem, Pupillamque obvelantem ex crassioribus Humoris Aquei particulis concretam, tanquam fictitiam habemus.

**C**ATARACTAM ab humore acido productam asserit Antonius; (a) Huic verò semper assentiendum minimè arbitramur.

**C**ATARACTARUM species quælibet ut vera, spuria, vel complicata habeatur, licet quàm plures alias mutuetur disparitates, ratione coloris, temporis, &c. unde recentes quædam, quædam inveteratæ; aliæ fixæ, aliæ fluctuantes; simplices illæ, illæ complicatæ; denique lactææ, caseosæ, purulentæ nuncupantur.

**P**UPILLÆ mobilitas, color margaritæ similis vel saltem ab hoc parùm recedens, lucis à tenebris non verò colorum distinctio, solius Crystallini vitium, veræ Suffusionis sunt signa: spuriam demonstrant imperfecta Pupillæ opacitas, obscuratio in uno tantùm vel altero puncto, Lentis vacillatio, imminutio, collectio materiæ lactææ, caseosæ, purulentæ.

**V**ISUS hebetudo, mutatio incipiens coloris nigricantis Pupillæ in alium quemlibet colorem, visio corpusculorum, & filamentorum per aëra volitantium, imperfecta objectorum vel luminis perceptio, opacitas quædam sensim augescens, incipientem & immaturam; mutatio perfecta coloris Pupillæ, opacitas post Pupillam apparens, lucis & tenebrarum distinctio tantùm, maturam, confirmatam que Suffusionem indicant.

**Q**UIBUS adest Pupillæ immobilitas, coarctatio vel figuræ depravatio, iis Cataracta concreta est cum Pupillâ, difficilioremque admittit curationem; unde à variâ Suffusionis specie, tempore, causâ, colore, simplicitate aut compositione, ægrotantis statu, ætate, oculi dispositione varia instituenda Prognosis.

**C**ATARACTÆ vetustiores aut inveteratæ, modò alio insigni vitio non sint complicatæ nec cum Iride vehementer concretæ, ad operationem aptæ, imò aptiores probantur.

(a) Confer. Antonius Maitre-Jan Chirurgus Regius, nec non Pericissimus Ophthalmiater, capit. V. & VI, Traité des Maladies de l'Oeil.

**IMPLICATIS** cum Guttâ serenâ seu Amaurosi, oculi Atrophiâ, Humorâ Aquei vel Corneâ vitio, Pupillâ dilaceratione, splendentibus seu Glaucomate, nulla nisi periculosis alear Medîcina potest admitti.

**INTER** rariores oculorû affectus sint Cataractæ, ut aiunt; membranaceæ tantû, nonnunquâ enim tunicæ quibus Lens cingitur obscurantur; (a) hæ verò Acûs efficaciam parû experiuntur.

**IN** Suffusione incipienti, à lentâ viscidâque materiâ vel à causâ internâ, curatio licet rara ope medicamentorû tentanda ut possibilis.

Si adsint tussis, coryza, sternutatio, vomitus, dolores capitû vehementiores, ab operatione abstinendum, donec evanescant.

**CATARACTÆ** legitimæ & maturæ curatio ab Acûs beneficio præsertim speranda, exitû-que prosperi spes minû in angustis, modò præmissa ritè fuerint remedia generalia.

Si fortè in frustra, dissiliat Suffusio, unum post alterum prudenter deprimendum, cum Guillemæo & Paræo suademus.

**OPERATIONE** ritè peractâ, luci non detur aditus; spleniorum collyrio imbutum imponendum; oculus uterque deligandus; Quies, potus leniens nonnunquâ anodinus, diætâ tenuis, sanguinisque missiones plus minûve repetitæ imperanda.

Si rursûs ascendât Suffusio pristinumque occupet locum, elapsio temporis quodam spatio, operatio iterû instituenda, submersio tentanda, imò incisâ Camerâ posteriori extrahenda Lens suffusa.

**INTER** operandum aliquid sanguinis effluit quandoquè, & humores inficiuntur; collyrio vulgari, vel fomento penetranti resolutio committatur.

(a) Vid. Acta Reg. Scientiar. Academiæ, Ann. 1711. Tunicas enim lentis nonnunquâ obscurari demonstrat M. Morand Chirurgus Parisiensis, Regiæ Scient. Academiæ, Londinensis &c. Socius, Regiæ Chirurg. Academiæ Secretarius.

Si Crystallina Lens exsiccata vacillet, dilatataque Pupillâ, transeat in Cameram anteriorem; incidenda Cornea, extrahendaque Lens suffulâ (a).

(a) Fauſſis Avibus hanc operationem perfecit primus M. Petit Chirurgus Parisiensis Reg. scientiar. Academiæ socius &c. sic que exsiccatum Crystallinum, incisâ prius Corneâ, eduxit, visumque restituit; uti testantur acta scient. Paris. Academiæ. Ann. 1708.

*Has positiones, DEO JUVANTE, & præside M. TUSANO BORDENAVE, Artium & Chirurgiæ Magistro, tueri conabitur JOANNES - JOSEPHUS SUE, Vinciensis, Artium Liberalium Magister & in Regiâ Pictorum Academiâ Anatomiciæ Professor.*

P A R I S I I S,

IN REGIIS CHIRURGURUM SCHOLIS.

*Die Sabbati 7<sup>a</sup>. Augusti à sesqui-secundâ post meridiem ad septimam. Anno Domini 1751.*

P R O A C T U P U B L I C O

E T

MAGISTERII LAUREÆ

---

Typis DELAGUETTE Regiæ Chirurg. Academiæ  
Typographi 1751.